

tori di mezi fitti, i quali, quantunque habino el modo de pagar, sono *tamen* renitenti contro ogni honestà, imperochè in questo urgentissimo bisogno per aiutar la terra doveriano *sponte* pagar i dicti mezi fitti che è graveza universal et honestissima: et essendo necessario a questi tal poner un spiron per darli causa de far el dover suo, però l'anderà parte: che tutti quelli sono de questo Consiglio, et che intrano in quello *quoquo modo*, fra termine do zorni haver debano portà el suo bolletin de haver pagadi li mezi fitti, altramente siano *immediate* expulsi de questo Consiglio. Quelli veramente zentilhomeni che hanno officii et che intrerano in dicti officii, et *similiter* i scrivani et nodari non possano exercitar l'oficio suo, se non haverano apresentà el dicto bolletin de haver pagà i mezi fitti. Et questo instesso se intenda de tutti i altri officiali et salariati de la Signoria nostra, et *similiter* de li sansari de Rialto et de fongtego *ut supra*.

Item, *dil provedador Gradenigo*, fo etiam *lettere portate per domino Bonino degan de Treviso, date in campo apresso Gradischa, a dì 10, hore 14*. Come questa matina non è stato a cavallo per haver fato far alcuni gradizi per le artellarie e passato l'Isonzo a pe'. Scrive, mandando il pan per là, vardi di le artellarie; è di là un pezo: per quelli di la terra, con uno schiopeto over archobuso fu ferito domino Orlando da le artellarie verso la nadega, e tien li habi tochatò l'osso; l'ha fato medegar e si manderà a Udene. *Item*, la terra è di opinion di temirsi, et è situada in quella campagna spazada. E per la description fata per il capitano, non harano munition solo per tutto doman; siehè sono di pessima voglia. Non è ancora zonto là polvere, ni balote. Di viuarie de li era stà proviste al bisogno, e di formenti di la Signoria harà 60 stera di pan al zorno. Per via di Udene, San Daniel, Fagagna e di là dil Taiamento, il primo zorno vene cara 27, el secondo per la via fu tolto li boi a li cariazatori, *adeo* niun vol più portar pan in campo, e il pan fu messo a sachò. Volea far la provision; quelli capi non li hanno risposto; le zente d'arme fanno cosse teribele, per li soi danari è passà do mexi non hanno auti. *Item*, dimanda danari e li orzi. *Item*, terza note li vene la febre, non volse dir niente per non disordenar, et hora ne ha grande con gran passion di cuor, et è in campagna con fredì grandissimi manchando di ogni cossa.

169 A di 13, fo Santa Lucia. *La matina fo lettere dil provedador Griti, date in certa villa soto Feltre*. Come andava a Seravale dove era Zuan

Paulo Manfron reduto, per redur le zente e unirle insieme. Et à aviso todeschi voleno venir di longo. Scrive molti discorsi, *ut in litteris*; et se dice i nimici è intradi in Civald, perchè de li se vede fuogi; dubita non lo brusano, e altre particolarità *ut in litteris*.

*Di Gradischa, dil provedador Gradenigo*, Non fo lettere alcuna et mancho di Roma, che con gran desiderio erano aspetate.

Et volendo li savij far ozi Pregadi per far la commissione a l'orator nostro va a Roma, non essendo zonte lettere di Roma, fo terminato in Colegio non far ozi Pregadi e farlo doman, et però li consieri ordinono Gran Consejo *lizet* poche voxe vi era.

*Di Vicenza, di sier Mathio Samudo pagador, vidi lettere di 11*. Come ha per via di Mantoa da più persone el ealar di sguizari numero 30 mila, e aver fato certo capitano loro nominato *ut in litteris*, con juramento dove li sarà devedato il passo passarli per forza di arme, over morti tutti, et andarsene senza acordarse con alcuno potentado fino sia davanti il Pontefice, et che francesi haveano fato il possibile che il signor Zuan Giacomo Triulzi cavalchasse contra essi sguizari, el qual si ha excusato dicendo aver juramento e fede non andar in persona contra ditti sguizari da Bologna. Hasse li Bentivoy e la loro parte portavano le sue robe fuori di la terra. Si dice el Papa esser ussito di Roma, e aver fato tirar 27 pezi de artellaria grossa fuora; el vicerè di Napoli e il ducha de Termini si dice esser zonti a Rimano.

Dil provedador Griti nulla si ha.. Ozi tien sia zonto a Feltre; va con gran cuor per trovarse con li inimici, et *maxime* el signor governador. Il Manfron con le altre zente era 8 mia più avanti di là Civald a certo passo. I nimici si dice sono 4000, di li qual 1400 è a soldo, il resto è comandati, senza Mercurio Bua et Zinganeto con cavali 170. Di Verona hasse certi cavali e fanti venuti di Lignago per tuor le viuarie, et *maxime* farine e formenti che per avanti erano stati con scorta conduti in Verona cara 70; par li diti ne habino tolto bona parte, et conduti in Lignago. Diman pagerà la compagnia di Meleagro, qual è alozata a l'Olmo, mia 4 lontan de li etc.

Da poi disnar, fo Gran Consejo, fato podestà a Castelfranco sier Alban Zane fo XL qu. sier Andrea, podestà a Porto Bufolè, sier Zuan Francesco Gradenigo qu. sier Lionello. *Item*, fo mandato zoso a la leze sier Zuan Arimondo qu. sier Zorzi eletto castelan a Vicenza, per esser intrado in election e visto per il Doze aver tolto più di una balota nel capello di mezo.